



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Sanctuarium Crvcis Et Patientiae Crvcifixorum Et Crvciferorum

Bivero, Pedro de

Antverpiæ, M.DC.XXXIV.

Emblematica Imago XIV. S. Liberati Abbatis, Et Soc. Crvcifixorum
Explicata.

[urn:nbn:de:hbz:466:1-47616](https://nbn-resolving.org/urn:nbn:de:hbz:466:1-47616)



14. Cedat sepositas Argo qua vexit in oras :
Hæc pinus cæli vos statione locat .

Argonautæ
Pinus
Cæli



EMBLEMATICA IMAGO XIV.

S. LIBERATI ABBATIS, ET

SOC. CRUCIFIXORVM

EXPLICATA.



ARTHAGINÈ sub Hunerico tyranno
LIBERATVS Abbas, BONIFACIYS Dia-
conus, SERVVS & RVSTICVS Subdiaco-

Victor in
Hiflor.
VVadalor.
Martyrol.
Roman.

ni, & MAXIMVS puer, in naui cruci-
fixi sunt, at naui adiecto igne, vt omnes pariter
concremarentur. Admotus ignis diuinitus extinctus
est, carnifices verò, igne furoris accensi, remorum
ictibus Martyres contriuerunt & maclarunt. Sacri-
ficium hoc Pontificale est quod Abbas celebrat: af-
sistunt ministri Sacrificio, & ipsi sacrificantur. Ne-
mo sine naue mare nauigat, nemo sine cruce transit
mundum, & appellit in portum. Cælestem patriam
olim eminus mortales contemplantur, & aspi-
cientes à longè illam salutabant. Ignis & aqua si-
mul interiacebant, & accessum in cælum impedi-
bant: hinc dolor, hinc gemitus. Venit CHRISTVS
in mundum, de rate ac cruce prouidit, qua nobis
in cælum viam aperiret. Fauet dictis Augustinus
libro de Opere Monach. cap. 31. *Sanè omnibus, nobis*

Sympathia
Christi &
martyrum
Aosificum
transitus
mundani
ferendi.

Et vobis pro nostro gaudio & officio laborantibus, et
Ha est via in labore & arumna, Et tamen in spe gauden-
tibus iugum eius leue est, & sarcina leuis; qui nos voca-
uit ad requiem, quò prior transitum fecit à conuale plora-
tionis, vbi ipsemet sine pressuris non fuit. CHRISTVS
ignem pariter & aquam tribulationum passus est, &
liber vel inter mortuos euasit, & fecit liberos, non
crucifixos, modò, sed etiam cruciferos suos, qui por-
tum in cæli tenentes, Liberatori suo canentes ce-
leuma, dicunt: *Transiimus per ignem & aquam, &
eduxisti nos in refrigerium.*

Psal. 65,
12.

CRUX LIBERATI & sociorum, CRUX
transitus mandani.

Cruce
transitus
mundi, in-
strumen-
tum artis
benè vi-
uendi.

Matth. 3,
17.
Matth. 4,
1.
Excitatio
laboran-
tis.
Rom. 8,
14.

Psal. 142,
10.

CVm CHRISTVS in Iordane esset Filius à Pa-
tre proclamatus, Hic est Filius meus dilectus, in
quo mihi complacui, consequenter addit Euangelista:
Ductus est à Spiritu in desertum, vt tentaretur à diabolo.
Duxit illum Spiritus ad ieiunia, ad tentationes &
labores. Hæc est Dei filiorum conditio, vt quò Spi-
ritus sanctus eos trahit, eò pergant. Qui spiritu Dei
aguntur, ij sunt filij Dei. Navis vento agitur & agita-
tur, & navis instar à diuino Spiritu sancti viri mo-
uentur & impelluntur. Sanctus planè vir, qui dice-
bat: *Spiritus tuus bonus deducet me in terram rectam.*
Deducet

Deducet me, inquam, in portum per maria; per fluctus, per tempestates. Per fluctus: *Ommes fluctus tuos induxisti super me.* Per tempestates: *Veni in altitudinem maris, & tempestas demersit me.* Sic itur ad altra. Committamus nos mari, fluctibus & tempestatibus, vt & in portu cantemus: *Transiuimus per ignem & aquam.* Rubrum mare rubore suo ignis colorem præ se ferebat, quod filij Dei transferunt: & nos non aquam modò, sed ignem etiam virtute Crucis superemus. Transeunt prohi; transeunt improbi: prohi de mundo, improbi cum mundo, sicut notat Augustinus Tract. 55. in Ioannem. *Aliud est, inquit, transire de mundo; aliud, transire cum mundo; aliud, ad Patrem; aliud, ad hostem.* Nam Egyptij transferunt, persequendo Israëlẽ transferunt, sed non transferunt per mare ad regnum, sed in mari ad interitum. Concludit: *Salubris transitus est, cum à diabolo transimus ad CHRISTVM, & ab isto instabili seculo ad fundatissimum regnum.* Audi Nauclere. *Nauclero quidem profecto non permittitur,* ait Basilius Epist. 166. *vt tranquillum vbi velit reddat insensum pelagus: nobis verò admodum facile est, vt vitam nobis ipsis reddamus tranquillam, si internos animi tumultus, qui ex affectionibus inordinatis aduersum nos insurgunt, compescuerimus. Neque enim facultatum dispendia, neque morbi corporis,*

poris, neque quacumque reliqua vite molestia cautum ac studiosum pietatis ledent, donec animo ita comparatus est, ut cum Deo ambulet, ut de futuris cogitet, eosque fluctus, qui inferne excitantur, alacriter & expedite superet.

CRUX LIBERATI & sociorum, Crux ægotantium.

*Instru-
tio n
art
benè
moriendi.*

TEMPUS vite nostræ, tempus navigationis est. Navigamus in corpore, & cum venimus ad portum, ægotamus, affigimur lecto, febribus inflammamur, ut LIBERATO ac fociis similes effecti, liberi iam à scopulis & tempestatibus humanæ navigationis, portum intremus ac teneamus. Benè monet Olympiadem ægram Chrysostomus Epist. 4.

*Excitatio
ægotan-
tis.*

Quantò magis aurum inflammatur, tantò etiam purius redditur. Quantò longius nauigat mercator, tantò plures merces cumulat. Quocircà ne paruum nunc tibi propositum esse certamen putes, verum omnium, quæ sustinisti, altissimum, maximumque & sublime; de eo loquor, quod in corporis aduersa valetudine situm est. Sanctus Bernardus Abbas, sicut eius tradit historia, plenus iam mercibus ac onustus meritis, cupiebat, euectus nauis, ex miseriis & ærumnis vite mortalis liberari. Accidit extremè iam laboranti, videri sibi nauem, quæ

quæ se transfueheret, expectare. Et quidem illa quasi in litore apparuit, & cum Bernardus ingredi festinaret, nauis disparuit. Cognouit necdum tempus migrationis suæ aduenisse. Crescebat dolor, & morbus ingrauescebat; & hoc habebat solatij, quòd esset reditura nauis, & se suasque merces tandem in caelestem portum intromissura. Cum æger febribus ardet, cogitet se in proposita LIBERATI & socio- rum naue lecto crucis alligatum. Si puer sit, puerum crucifixum intueatur: si iuuenis, iuuenes affixos cruci contempletur: si virum iam agit, viros suspendio addictos attendat: si senex prouectus ætate est, pendentem è nauis arbore senem præ oculis habeat, vt cuiuslibet ætatis homo nouerit, sibi è mortali vita nauigandum, nec certum tempus aliquod præfinitum, quo quis perueniat in portum, iam puer, iam iuuenis, iam vir, iam senex ardente fe- bri corripitur, & festina morte abripitur. Transeunt per ignem & aquam omnes, quos nauis exhibet crucifixos, vt in refrigerium veniant, & æger, qui eandem patitur probationem, *Cor suum dabit in si-* Ecclesi. 32, 28.
militudinem pictura.

R

Leua-

Leuamen laborantis & ægrotantis.

Virtus Eucharistia.

Rex gloriosus, cum iret de munio ad Patrem, in leuamen transeuntium sacram Eucharistiam condidit & reliquit. Et quidem adhuc in Ecclesia sua Agnus è Petri nauicula clamat ad eos qui in mari laborant, & amaros fluctus tranant, mundi Oceanum transeuntes, *Venite ad me omnes, qui laboratis, & onerati estis, & ego reficiam vos.* Ecclesia sancta facta est quasi nauis institoris de longe portum panem suum, & inde CHRISTVS supertranseuntes aquas panem Eucharistiæ mittit, vt mare tranquillum faciat, & nauigantes suos ducat & inducat in portum. Ne iam accedentes ad portum, naufragium ægrotantes patiantur & submergantur, succurrit per eandem Eucharistiam, in qua diuinus Agnus Dei porrigitur & ministratur, vt quæ mortis tempore exoriri & sæuire tempestates solent, imperio eius remittantur atque sedentur.

Vaticum.

Gloriosum opus Artis Crucis & patientiæ,
Aurea & aureola corona.

*Honor alit
artem bene
viviendi
& moriendi.*

Cum tingimur aqua lustrali, satis nobis insinuat, qualis sit mundanus transitus, per quem datur in cælum accessus & ascensus. Fit per aquas

aquas transmigratio, quæ est aperta navigatio im-
posita iis qui in Spiritu sancto & in igne baptizantur. ^{Math. 3.}
Hæc navigatio Christiana, quæ fit virtute Baptisimi,
formam martyrij importat. Confirmat assumptum
Augustinus lib. de Ecclesiast. dogmat. cap. 74. Bap-
tizandus confitetur fidem suam coram Sacerdote, & inter-
rogatus respondet: hoc & Martyr coram persecutore facit,
qui. & confitetur fidem, & interrogatus respondet. Ille
post confessionem vel aspergitur aqua, vel tingitur: & hic
vel aspergitur sanguine, vel contingitur igne. Ille manus
impositione Pontificis accipit Spiritum sanctum: hic habi-
taculum efficitur Spiritus sancti, dum non est ipse qui lo-
quitur, sed Spiritus Patris qui in eo loquitur. Ille commu-
nicat Eucharistiæ in commemoratione mortis Domini: hic
ipsi CHRISTO commoritur. Ille profitetur se immundis
actibus renuntiaturum; hic ipse renuntiat vitæ. Illi pec-
cata omnia dimittuntur, in isto extinguuntur.

Hæc navigatio Christianorum simul & Marty-
rum est, hæc communis tranatio & transmigratio,
quam navis LIBERATI & sociorum transeuntium
per aquam & ignem ostendit & declarat. Cùm verò
species navigationis sit vita Christianorum, ritè ac
rectè coniungitur cum Baptismo mysterium sacræ
Eucharistiæ, ne in mari annona deficiat. Verùm
enim verò, cùm in pelago navigantibus cælum pa-
teat,

R 2

Martyrum
crucis
E PL
8

teat, cuius aspectus recreat ferentes graues molestia-
rum maris tum nauis, erit occasio, & causa celestis
recreationis facienti transitum laboriosum, erigere
oculos ad premium sibi in caelis destinatum, si pro-
sperè confecerit nauigationem, more LIBERATI &
sociorum, qui salui & incolumes in portu festiuum
celeuma dicunt & canunt, *Transiimus per ignem &
aquam, & induxisti nos in refrigerium.* Erat iam vic-
inus portui Adelhardus Abbas, cum frequenter ire-
raret: *Hinc ibo, & ad Deum meum veniam, letus mor-
riar, letusque transibo ingentes huius vitæ foueas; quon-
iam ad gaudia peruenturus sum sempiterna, longè mihi
antè promissa.* Proximus iam caelo Nicolaus Tolenti-
nas postulauit sibi crucem. *Crucem, inquit, meis ocu-
lis inspicendam offeratis, ut eius virtute ceu baculo altis-
sime potestatis fultus, Jordanem huius mundi liberè trans-
mittere, & ad paradisi gaudia faciliè peruenire queam.*

Proferatur nunc in publicum sancti PAPHNVTII
Abbatis exemplum; in quo, tamquam præclarissi-
mo speculo, triumphantis in labore & morbo for-
ma conspicitur.

*Summa
nauigatio-
nis munda-
nae
Psal. 65,
12.*

*Extrema
verba mo-
rientis.*